

Cultivating the Humanities and Social Sciences Initiative

(Inisyatiba sa Pagpapaugmad sa Humanidades ug Alamdag Katilingbanon)

Pinaagi sa tabang sa Sweden, gidumala sa Association for Asian Studies (AAS) ang usa ka proyektong adunay kantidad nga \$2.68 milyon aron suportahan ang mga eskolar gikan sa mga rehiyon sa Habagatan ug Habagatan-Sidlakang Asya nga adunay panginahanglang pinansiyal. Tutokan sa proyekto ang pagsuporta sa mga eskolar gikan sa mga lugar nga adunay kasamok ug mga nasod nga bag-o lang niagi og kasamok, ug labi na ang mga batan-ong manunudlo, mga gradwadong estudyante, mga magulang ug independenteng eskolar, kababayen-an, ug mga grupo sa etnikong minorya.

Ang “Cultivating the Humanities and Social Sciences (CHSS) and Supporting

Under-represented Scholars of Asia” o “Pagpapaugmad sa Humanidades ug Alamdag Katilingbanon ug Pagsuporta sa mga Eskolar sa Asya nga Kulang og Representasyon” usa ka transnasyonal nga inisyatiba nga modagan og upat ka tuig ug mopalambo sa mga kapabilidad sa pagpaniksik sa mga eskolar ug unibersidad sa mga piling nasod sa Habagatan ug Habagatan-Sidlakang Asya aron tabangan ang mga nasod sa rehiyon nga adunay ubos ug ubos-sa-tungang kinitaan. Kining grant o ganti sa AAS parte sa pagtabang sa Sweden para sa mga nasod ug rehiyon sa Asya nga adunay ubos nga kinitaan aron suportahan ang lokal nga pagpaniksik ug mga kapasidad sa pagpaniksik nga adunay kalabotan sa pagpaubos og kakabos ug pagpapauswag sa katilingban. Abli kining oportunidad para sa mga miyembro ug dili miyembro sa AAS.

Mahitungod sa Oportunidad

- Ang itanyag nga mubo ug dugay nga mga grant sa pagpaniksik mosuporta sa mga proyekto nga mopauswag sa mga disiplina sa humanidades ug alamdag katilingbanon sa mga rehiyon sa Asya nga kulang og representasyon. Sa humanidades, apil ang kasaysayan, pilosopiya, relihiyon, mga pinulongan, mga katitikan, ug mga arte (fine & performing arts). Sa alamdag katilingbanon, kauban – apan dili limitado – ang antropolohiya, arkeyolohiya, ekonomiks, heyograpiya, balaod, politika, sikolohiya, sosyolohiya, ug uban pa.

- Ang Association for Asian Studies nag-awhag og mga aplikasyon gikan sa mga nasod nga adunay ubos o ubos-sa-tungang kinitaan sa **Habagatan-Sidlakang Asya (sama sa Cambodia, Lao PDR, Myanmar, Timor-Leste, Indonesia, Pilipinas, Thailand, ug Vietnam)**, pati pod ang mga nasod ug lugar nga adunay panginahanglang pinansiyal sa **Habagatang Asya (sama sa Afghanistan, Bangladesh, Bhutan, Pakistan, Nepal, Sri Lanka, ug India)**. Para sa mga itanyag nga proyekto gikan sa Indonesia, Pilipinas, Thailand, Vietnam, ug India, unahon sa komite nga morebyo ang mga aplikanteng gikan sa mga rehiyon ug/o institusyon nga kulang og kabtangan.
- Giawhag pod ang mga kolaboratibong proyekto, labi na katong kapares sa mga eskolar sa mga institusyong adunay dakong kabtangan ang mga eskolar gikan sa mga institusyon nga kulang og kabtangan.
- Dugang pa, ang programa sa CHSS nag-awhag og mga proyekto nga indibidwal ug grupo (sama kanang magkauban ang mga batan-on ug magulang nga eskolar) nga mousisa sa mga nagsunod nga tema:
 - Kalamboan (Development)
 - Demokrasya (Democracy)
 - Tawhanong Katungod (Human Rights)
 - Kinatawhan (Gender)
 - Kalikopan (Environment)
- Mahimong bulag nga susion ang matag tema, o magkauban, o sa mga pamaagi nga mapatagbo ang mga disiplina sa humanidades ug alamdag katilingbanon.
- Abli pod kining programa sa mga itanyag nga espisyal nga inisyatiba nga motunong sa pagrekord, preserbasyon, ug diseminasyon sa mga nameligrong pinulongan, mga kasaysayang oral, ug mga tradisyonal nga kahibalo.
- Ang **Forest Foundation Philippines** usa ka non-profit nga organisasyon nga gahatag og mga grant ug tabang teknikal sa mga organisasyon ug indibidwal aron suportahan sila sa pagpanalipod sa kalasangan. Adunay espisyal nga pondo ang Forest Foundation Philippines para sa mga Pilipinhong eskolar nga adunay proyekto nga adunay kalabotan sa konserbasyon ug restorasyon sa kalasangan, komunidad ug malungtarong panginabuhi, lumadnong kahibalo, polisiya ug pagdumala sa kalasangan, pagmapa ug kolektibong pagmapa sa mga kalasangan, ug

uban pang pamaagi sa kolaboratibo ug transdisiplinaryo nga pagpaniksik sa bisag unsang disiplina sa humanidades ug alamdag katilingbanon. **Giawhag nga mopasa og aplikasyon ang mga eskolar nga kulang og representasyon, kauban ang mga lumadnong eskolar, kababayan-an, ug mga batan-ong maniniksik, labi na katong gikan sa Palawan, Sierra Madre, Samar ug Leyte, ug Bukidnon ug Misamis Oriental.** Para sa uban pang impormasyon mahitungod sa mga programa sa Forest Foundation Philippines, bisitaha ang ilang website sa www.forestfoundation.ph.

- Ang mga itanyag nga pagpaniksik kinahanglan nga mosuporta sa mga trabaho sa mga eskolar nga postdoctoral o mga estudyante sa Ph.D. ug Masters nga ganahan mobuhat og pagpaniksik nga kinahanglan sa ilang tesis, disertasyon, ug/o buhatong libro, o para sa mga rebisyon sa manuskrito, papel sa komperensiya, ug artikulo sa journal.
- Ang mga modawat og grant sa CHSS imbitahon nga mopasa og panel proposal sa usa ka komperensiya sa AAS-in-Asia, diin iambit nila ang resulta sa ilang mga proyekto sa pagpaniksik, mosalmot sa mga workshop, ug tan-awon ang mga oportunidad aron mamantala sa mga peer-reviewed nga akademikong journal sa among mga kauban sa Asya, Europa, ug Estados Unidos, pati pod sa kaugalingong publikasyon sa AAS.
- Sa **Setyembre 1, 2023** ang ulahing adlaw sa pagpasa og mga aplikasyon.
- Ang mga desisyon sa pagganti pagabuhaton sa Nobyembre 30, 2023, ug ipahibalo sa mga aplikante sa Disyembre 2023 kon kadawat og grant ang ilang proyekto.
- Ihatag ang mga grant nga adunay kasabotan nga sa sulod sa duha ka tuig nga paghuman sa ilang proyekto, iambit sa makadawat ang resulta sa ilang pagpaniksik sa usa ka komperensiya sa AAS-in-Asia, o parehas nga internasyonal nga komperensiya, ug ilhon nila nga kadawat sila og grant. Kinahanglang ilhon ang AAS-Sweden Cultivating the Humanities and Social Sciences Research Grants o ang Forest Foundation Philippines sa bisag unsang publikasyon nga gikan sa gipondohang pagpaniksik.

Puydeng gamiton ang pondo sa:

- Pagpaniksik sa mga eskolar nga postdoctoral ug mga estudyante sa Ph.D. ug Masters nga kinahanglan sa ilang tesis, disertasyon, ug/o buhatong libro, o para sa mga rebisyon sa

manuskrito, papel sa komperensiya, ug artikulo sa journal sa humanities ug alamdag katilingbanon.

- Gamayng seminar ug workshop nga pang-eskolar.
- Paghubad, pagbuhat og kurikulum, ug mga proyekto nga pangteksbuk nga motabang sa diseminasyon ug implementasyon sa resulta sa pagpaniksik.
- Mga palabas nga dokumentaryo ug mga proyekto sa arteng biswal.

Dili puydeng gamiton ang pondo sa:

- Mga gastos sa biyahe ug akomodasyon sa pagtambong sa usa ka komperensiya.
- Dili mahimong gamiton ang pondo kauban sa uban pang grant sa pagpaniksik.

Kinsa ang mga puydeng mopasa?

- Giawhag nga mopasa og aplikasyon ang mga gradwadong estudyante (sa MA ug Ph.D.), mga batan-ong eskolar, ug mga magulang nga eskolar.
- Mga miyembro sa komunidad sa transnasyonal nga pagtuon sa Asya nga kulang og representasyon, o katong gikan o nagpuyo sa mga lugar nga niagig kasamok o mga lugar nga adunay kasamok.
- Mga nagpuyo sa mga lugar sa Habagatan ug Habagatan-Sidlakang Asya nga adunay ubos ug ubos-sa-tungang kinitaan.
- Giawhag pod nga mopasa og aplikasyon ang mga estudyante sa Masters nga dili kapadayon og Ph.D. gumikan sa mga butang nga dili nila mapugngan.

Ideyal nga mga aplikante ang mga nagpuyo (o gikan) sa mga nagsunod nga lugar:

Mga nasod nga adunay ubos o ubos-sa-tungang kinitaan sa **Habagatan-Sidlakang Asya (sama sa Cambodia, Lao PDR, Myanmar, Timor-Leste, Indonesia, Pilipinas, Thailand, ug Vietnam)**, pati pod ang mga nasod ug lugar nga adunay panginahanglang pinansiyal sa **Habagatang Asya (sama sa Afghanistan, Bangladesh, Bhutan, Pakistan, Nepal, Sri Lanka, ug India)**. Para sa mga itanyag nga proyekto gikan sa Indonesia, Pilipinas, Thailand, Vietnam, ug India, unahon sa komite nga morebyo ang mga aplikanteng gikan sa mga rehiyon ug/o institusyon nga kulang og kabtangan.

Tungod sa hingpit ang kompetisyon niining programa, **dili puydeng mopasa ang mga kadawat na og grant sa CHSS** kon wala pa nilabay ang duha ka tuig sukad nga gihatagan sila og grant sa CHSS.

Unsaon pagpasa?

- Timan-i nga **ang mga aplikasyon lang nga gipasa pinaagi sa portal ang dawaton.**
- **Dili dawaton ang mga gipasa pinaagi sa email.**
- **Sa Setyembre 1, 2023 ang ulahing adlaw sa pagpasa og mga aplikasyon.**
- Kinahanglan nga mangayo og 1 ka sulat gikan sa usa ka referee. Pakiingnan daan ang imong referee ayha siya padalhan og imbitasyon nga mopasa og sulat. Makadawat ang mga referee og automated email nga adunay link sa portal sa pagpasa gikan sa AAS Grants Manager nga si Molly DeDona ug grants@asianstudies.org. Kon adunay problema, pakikontak ang AAS Grants Manager.

Iandam ang:

- Mubong sulat nga giusa-usa ang nagsunod:
 - Unsaon paggamit sa grant sa pagpaniksik
 - Unsa ang kontribusyon niini sa kalamboan ug propesyon sa aplikante
 - Unsa ang kontribusyon niini sa disiplina nga nagtuon sa Habagatan o Habagatan-Sidlakang Asya
 - Unsa ang kalabotan sa proyekto o aplikante sa mga rehiyon sa Habagatan o Habagatan-Sidlakang Asya nga adunay ubos nga kinitaan o panginahanglang pinansiyal
- Currilum vitae (CV) nga duha ka panid, gisulat sa Iningles, ug nakabutang ang:
 - Imong pinakataas nga akademikong degree, ang nihatag nga institusyon, imong pokus nga disiplina, ug ang tuig nga nadawat kini
 - Imong mga akademikong kaagi sa terserang institusyon, apil ang mga kaagi sa pagtudlo ug/o pagpaniksik. Sa matag posisyon, ibutang ang institusyon, departamento/faculty, tawag sa imong posisyon, kon full-time o part-time kini, ug mga petsa sa pagpanarbaho
 - Mubong listahan sa mga publikasyon (kon aduna)

- Seguroha nga mabutangan og timailhan ang bisag unsang gibuhat sa Iningles o adunay abstrak sa Iningles
- Iandam pod ang mga CV sa mga Co-Principal Investigator ug mga kauban sa grupo sa inyong proyekto sa pagpaniksik.
- Proposal sa proyekto sa pagpaniksik nga adunay 800 – 1,000 ka pulong (kauban ang references)
- Badyet sa imong proyekto
- Sampol nga sinulat sa aplikante (walay minimum nga kataas, apan ideyal ang 2,000 – 2,500 ka pulong)
- Listahan sa uban pang grant sa pagpaniksik nga imong nadawat
- Timeline (pinakamubo ang 2 ka bulan ug pinakadugay ang 12 ka bulan).
 - Gidahom nga sa sulod sa duha ka tuig nga paghuman sa ilang proyekto, iambit sa madawat nga aplikante ang resulta sa ilang pagpaniksik sa usa ka komperensiya sa AAS-in-Asia, o parehas nga internasyonal nga komperensiya, ug ilhon nila nga kadawat sila og grant. Kinahanglang ilhon ang AAS-Sweden Cultivating the Humanities and Social Sciences Research Grants o ang Forest Foundation Philippines sa bisag unsang publikasyon nga gikan sa gipondohang pagpaniksik.
 - Nagpasabot ang mga mubong grant nga modugay kini og ubos sa 4 ka bulan, ug ang mga dugayng grant og hangtod 12 ka bulan.
- Usa ka sulat nga rekomendasyon gikan sa referee, nga pamilyar sa disiplina sa pagpaniksik sa aplikante
 - Unahon ang mga aplikante nga wala pa kadawat og grant sa pagpaniksik ug/o gikan sa usa ka institusyon nga kulang og kabtangan. Hangyoon sa matag aplikante nga ipasa sa referee ang sulat sa online portal hangtod Setyembre 1, 2023.
- Ihatag ang mga grant nga adunay kasabotan nga sa sulod sa duha ka tuig nga paghuman sa ilang proyekto, iambit sa makadawat ang resulta sa ilang pagpaniksik sa usa ka komperensiya sa AAS-in-Asia, o parehas nga internasyonal nga komperensiya, ug ilhon nila nga kadawat sila og grant. Kinahanglang ilhon ang AAS-Sweden Cultivating the Humanities and Social Sciences Research Grants o ang Forest Foundation Philippines sa bisag unsang publikasyon nga gikan sa gipondohang pagpaniksik.

FAQs

Pila ang akong pangayoon nga pondo?

Depende kini sa kadugay sa imong proyekto, pero kasagaran nga \$1,000 matag bulan. Pananglitan, manginahanglan ang proyekto nga 1 – 2 ka bulan ang kadugay og \$1,000 – \$2,000 USD; ang 3 – 6 ka bulan og \$3,000 – \$6,000, ug uban pa. Kasagarang anaa sa \$2,000 – \$12,000 ang mga grant sa CHSS.

Kinahanglan ba nga miyembro ko sa AAS aron makaapil?

Dili. Dili kinahanglan nga miyembro ka sa AAS aron makaapil. Pero, abli pod kini sa mga miyembro sa AAS.

Asa puydeng gamiton ang pondo?

- Pagpaniksik sa mga eskolar nga postdoctoral ug mga estudyante sa Ph.D. ug Masters nga kinahanglan sa ilang tesis, disertasyon, ug/o buhatong libro, o para sa mga rebisyon sa manuskrito, papel sa komperensiya, ug artikulo sa journal sa humanidades ug alamdag katilingbanon.
- Gamayng seminar ug workshop nga pang-eskolar.
- Paghubad, pagbuhat og kurikulum, ug mga proyekto nga pangteksbuk nga motabang sa diseminasyon ug implementasyon sa resulta sa pagpaniksik.
- Mga palabas nga dokumentaryo ug mga proyekto sa arteng biswal.

Asa dili puydeng gamiton ang pondo?

- Mga gastos sa biyahe ug akomodasyon sa pagtambong sa usa ka komperensiya.
- Dili mahimong gamiton ang pondo kauban sa uban pang grant sa pagpaniksik.

Puyde ba ang stipend para niining grant?

Dili. Dili puyde iapil sa gastosan ang mga stipend, suweldo, ug bayad sa pagpanarbaho.

Kanus-a mahibaloan ang desisyon sa mga madawat? Ug kanus-a ko maingnan kon nadawat ko?

Ang mga desisyon sa pagganti pagabuhaton sa Nobyembre 30, 2023, ug ipahibalo sa mga aplikante sa Disyembre 2023 kon kadawat og grant ang ilang proyekto.

Unsaon paghatag sa pondo?

Para sa tanang grant sa pagpaniksik, adunay mabilin sa AAS nga 20% sa katibuk-ang pondo nga mahatag inigpasa sa report nga pinansiyal ug pagkahuman sa pagpaniksik.

Para sa mga grant sa pagpaniksik nga suportahan sa Forest Foundation Philippines, deretso nga ihatag sa Foundation ang pondo.

Gikan ko sa Habagatan/Habagatan-Sidlakang Asya, apan nagpuyo ko karon sa gawas sa Habagatan/Habagatan-Sidlakang Asya. Puyde ba ko moapil?

Oo, puyde ka moapil. Kon nakabase ka karon sa usa ka institusyon nga daghang kabtangan, giawhag ang mga kolaboratibong proyekto, labi na katong kapares sa mga eskolar sa mga institusyong adunay mas dakong kabtangan ang mga eskolar gikan sa mga institusyon nga kulang og kabtangan.

Kinahanglan nga adunay bisag usa ka kauban sa mga kolaboratibong proyekto nga gikan sa **Cambodia, Lao PDR, Myanmar, Timor-Leste, Indonesia, Pilipinas, Thailand, Vietnam, Afghanistan, Bangladesh, Bhutan, Pakistan, Nepal, Sri Lanka, o India.**

Unsang mga nasod ang puyde moapil?

Ang Association for Asian Studies nag-awhag og mga aplikasyon gikan sa mga nasod nga adunay ubos o ubos-sa-tungang kinitaan sa **Habagatan-Sidlakang Asya (sama sa Cambodia, Lao PDR, Myanmar, Timor-Leste, Indonesia, Pilipinas, Thailand, ug Vietnam)**, pati pod ang mga nasod ug lugar nga adunay panginahanglang pinansiyal sa **Habagatang Asya (sama sa Afghanistan, Bangladesh, Bhutan, Pakistan, Nepal, Sri Lanka, ug India)**. Para sa mga itanyag nga proyekto gikan sa Indonesia, Pilipinas, Thailand, Vietnam, ug India, unahon sa komite nga morebyo ang mga aplikanteng gikan sa mga rehiyon ug/o institusyon nga kulang og kabtangan ug imprastruktura. Puyde pod ikonsiderar ang mga aplikasyon gikan sa **Maldives**.

Unsa ang pasabot sa “institusyon nga kulang og kabtangan”?

Ang pasabot sa “institusyon nga kulang og kabtangan” kay mga unibersidad ug think tank nga kasagarang kulang og kuwarta ug tawo aron mapalambo gyod ang ilang kapasidad sa pagpaniksik sa humanities ug alamdag katilingbanon. Kasagarang limitado lang ang oportunidad nianing mga institusyon pag-abot sa mga grant para sa ilang faculty, fellow, ug mga estudyante. Mahimo pod nga makit-an sila sa kadaplinan sa mga dakong siyudad.

Puyde ba moapil ang mga estudyante sa MA?

Oo, puyde moapil ang mga estudyante sa MA, pati pod ang sa Ph.D.

Puyde ba ko mopasa kon adunay koy student loan?

Dili dawaton ang bisag kinsang indibidwal nga adunay student loan, unya gamiton ang grant sa pagpaniksik sa CHSS aron bayran ang matrikula.

Puyde ba ko mopasa og daghang aplikasyon?

Oo, apan usa lang ka proyekto sa pagpaniksik ang hatagan og pondo matag aplikante.

Pila ka sulat gikan sa referee ang kinahanglan sa usa ka proyekto nga grupo o co-PI?

Usa lang ka sulat gikan sa referee ang kinahanglan matag aplikasyon. Sama sa mga proyekto nga indibidwal, sa kaso sa mga proyekto nga grupo o co-PI, kinahanglan nga maalamon ang referee sa disiplina sa pagpaniksik. Para sa mga proyekto nga co-PI, maayo nga usa ka sulat gikan sa referee sa matag co-PI.

Pila ka sampol nga sinulat ang kinahanglan sa usa ka proyekto nga grupo o co-PI?

Ayaw pasobrahi sa 2,500 ka pulong ang mga sampol nga sinulat para sa proyekto nga grupo o co-PI. Sa kaso sa mga proyekto nga co-PI, igo na ang 1,250 ka pulong sa matag indibidwal. Para sa mga proyekto nga grupo, kinahanglan nga adunay sampol gikan sa lider, apan puyde pod iapil ang mga sinulat sa mga kauban o mga papel nga magkaubang gisulat ug gi-edit.

Unsa kadugay nako trabahoon ang akong proyekto?

Ihatag ang mga grant nga adunay kasabotan nga sa sulod sa duha ka tuig nga paghuman sa ilang proyekto, iambit sa makadawat ang resulta sa ilang pagpaniksik sa usa ka komperensiya sa AAS-in-Asia, o parehas nga internasyonal nga komperensiya, ug ilhon nila nga kadawat sila og grant. Kinahanglang ilhon ang AAS-Sweden Cultivating the Humanities and Social Sciences Research Grants o ang Forest Foundation Philippines sa bisag unsang publikasyon nga gikan sa gipondohang pagpaniksik.

Gikan ko sa usa ko nasod sa Habagatan-Sidlakang Asya nga puyde moapil, apan aduna pa koy laing nasyonalidad? Puyde ba gihapon ko moapil?

Oo, puyde moapil ang mga aplikante nga adunay duhang nasyonalidad.

Puyde pod ba moapil ang mga independenteng maniniksik nga walay institusyon?

Puyde moapil ang mga independenteng maniniksik nga kaanib sa mga think tank, NGO, o walay institusyon.

Gikan ko sa Habagatan-Sidlakang Asya apan gawas sa mga giingong nasod, puyde ba gihapon ko moapil kon adunay kauban nga maniniksik gikan sa mga giingong nasod?

Puyde ka mopasa og joint o magkaubang aplikasyon, apan kinahanglang nasabtan nimo nga ang tunong aning grant kay hatagan og oportunidad ang mga eskolar ug institusyon nga kasagarang walay akses sa nianing klaseng suporta. Sa ing-aning kaso, segurohon nga makit-an sa ipasa nga badyet nga masuportahan gyod ang maniniksik nga gipangita niining grant.

Aduna bay limitasyon sa edad sa pag-apil?

Walay limitasyon sa edad ang mga aplikante.

Kon dili ko madawat karong bigayona, puyde ba ko moapil sa sunod?

Oo, puyde ka moapil sa sunod nga tuig. Dugang pa, kon insakto ang imong aplikasyon para sa laing AAS grant, kontakon ka namo aron puyde nimo nga ipasa ang imong proposal sa ubang oportunidad, nga rebyohon sa laing komite.

Dawaton ba ang mga proposal nga adunay kolaborasyon sa mga opisyal nga institusyon sa gobyerno, sama sa departamento sa edukasyon o nasodnong museo?

Oo, dawaton ang kolaborasyon sa mga institusyon sa gobyerno o lokal nga NGO tungod kay usa ka tunong sa mga proyekto sa CHSS ang matabangan ang mga nasod sa Habagatan ug Habagatan-Sidlakang Asya nga adunay ubos ang kinitaan, pinaagi sa mga pagpaniksik nga magamit sa mga polisiya sa pagpasiugda sa kalinaw, kooperasyon, ug kalamboan.

Kadawat nako og grant sa CHSS, puyde ba gihapon ko moapil karong tuiga?

Tungod sa hingpit ang kompetisyon niining programa, **dili na puydeng mopasa ang mga kadawat na og grant sa CHSS** kon wala pa nilabay ang duha ka tuig sukad nga gihatagan sila og grant sa CHSS.